

և ետ ընթեռնուէլ դատաւորին , և ասլա ամբաստան եղև .
 զՊատրիարքէն Յունաց , թէ՛ ո՞րպէս միով հրամանաւ՝ ա-
 ռանց գիտութեան ուրուք՝ գաղտնապէս խափանել կամի
 զհին գրեանս Հայոց , եւ դատաւորն ոչ արձանագրեաց
 զհրովարտակն 'ի դատարանի : Տեսեալ Յունաց թէ՛ 'ի դե-
 րեւ եւ յոյս իւրեանց և յայանեցան նենգութիւնք նոցին ,
 զիջան դարձեալ ըստ առաջին սովորութեան ընդ Հայոց
 'ի միասին մտանել 'ի Գերեզման 'ի նոյն աւուր , և դատա-
 ւորն գրեաց երկաքանչիւրոց մէն մի Հէօճճէթս և արձա-
 կեաց :

Այլ Յովհաննէս Պատրիարք կասկածեալ ընդ յեղյեղուկ
 բանս Յունաց , պատրաստեալ զկարեւոր գրեանս՝ աղդ-
 արար 'ի Կոստանդինուպօլիս տիրացու Ալեքսան փոխանոր-
 դին իւրոյ , և առաքեաց զայն 'ի ձեռն հաւատարմին իւ-
 րոյ՝ պատուիրելով նորոգել զհրովարտակն վասն Ճրագա-
 լուցի Զատիկին՝ և խափանել զՅունացն և հասուցանել զայն
 յերուսաղէմ նախ քան զպատեքն , զի մի դաւ ինչ գործեա-
 ցի 'ի Յունաց , (1692) :

Իսկ այլազգիք երուսաղէմի , որոց երկրորդ բնութիւն
 լեալ էր ագահութեամբ և պէսպէս բարրանօք կորզել ըզ-
 դրամս 'ի քրիստոնէից , դարձեալ բռնացան 'ի վերայ միա-
 բանացն Հայոց 'ի պատճառս նորոգութեան Ս . Փրկչի
 վանաց՝ զի ոմանք ասէին թէ աւելի քան զհրամայեալն
 չինեալ են զաւելորդ իրս , ոմանք թէ հակառակ է օրինաց
 մերոց , և այլք զայլ իմն բանս յօդէին : Զի թէպէտ Յով-
 հաննէս Պատրիարք և միաբանք իւր բազում անգամ չո-
 քան 'ի դատարան՝ և առաջի արարին զգիրս քննութեանց
 դատաւորաց , եւ զվճիւր դենպէտին , զի համաձայն նոցին
 աւարտեալ էր շինուածն , այլ ոչ կամէին անսալ նոքա 'ի
 թոյլութեանէ դատաւորաց , այլ հանապազ յուզէին եւ
 յարուցանէին զաղմուկս վասն դրամոց : Տաղտկացեալ Յով-
 հաննու Պատրիարքի 'ի բռնութեանց աստի , գրեաց գիր
 աղաչանաց առ Եպարքոսն , և առաքեաց զայն 'ի բանակն
 արքունի յԱգրիանուպօլիս , և խնդրեաց բառնալ զնեղու-
 թիւնս այլազգեաց , զի ամենայն դատաստանք և գործք
 աւարտեալ էին օրինօք դատարանի : Գրեցաւ հրովարտակ
 առ քաղաքապետն և առ դատաւորն երուսաղէմի , խափա-